

CBETA電子佛典集成

CBETA Chinese Electronic Tripitaka Collection
eBook

T19n0932

金剛頂經瑜伽觀自在 在王如來修行法

唐 金剛智譯

目次

- [編輯說明](#)
- [章節目次](#)
- [卷目次](#)
 - 001,
- [贊助資訊](#)

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 932

金剛頂經瑜伽觀自在王如來修行法

唐南天竺國三藏金剛智譯

我今依《金剛頂經》演金剛蓮華達摩法要。先須入於灌頂三昧耶曼茶羅，發大菩提心，捨身命財饒益一切，勇猛精進隨念相應，慈悲喜捨無有間斷，如是之人方應修習其曼茶羅畫像等法，廣如餘所說。凡人精舍欲順念時，先以五輪著地，頂禮本尊觀自在王如來，次禮北方不空成就如來，乃至無動寶生遍照如來，悉皆依法至誠敬禮，雙膝而跪蓮華合掌，懺悔三業一切過咎：

「我從無量劫， 淪滯生死海，
今已清淨心， 發露而悔過。
如諸佛所懺， 我今亦如是，
願我及眾生， 一切皆清淨。」

誦此真言曰：

「唵 薩嚩(二合)婆嚩 秫馱(上聲) 薩嚩 達麼 薩嚩(二合)婆嚩 秫度憾」

次應隨喜過、現、未來諸佛菩薩所集福智：

「過現三世佛、 菩薩與眾生；
所集諸善根， 合掌盡隨喜。」

次應右膝著地，虛心合掌置於頂上，想禮諸佛如來及菩薩足，誦密言曰：

「唵 鉢娜，麼(二合)微」

禮諸佛已依座印而坐，入定思惟觀無量如來周遍法界，行者已身悉在彼會。然後結祕密三昧耶，以六度頭相拄，進力少屈押忍願上側文，禪智押進力下文置於頂上。真言曰：

「唵 怛佉譏覩訥婆嚩耶 娑嚩(二合)訶」

次結蓮華部三昧耶陀羅尼印。即以二羽蓮華合掌，禪智檀慧相拄頭，六度頭相去一寸置於右耳上，誦真言曰：

「唵 鉢得麼(二合)訥婆嚩耶 娑嚩(二合)訶」

次結金剛部三昧耶陀羅尼及印。即以檀智與禪慧，翻覆互相鉤，初結在當心，妙言置左耳，進密語三度，言竟頂輪王散。真言曰：

「唵 嚩日嚩(二合)訥婆嚩耶 娑嚩(二合)訶」

次結金剛護身陀羅尼及印。即以戒方檀慧內相叉，忍願二度建如幢，進力屈於忍願背，去背三分如鉤形，禪智二度當心豎。真言曰：

「唵 嚩日囉(二合)儼爾鉢囉(二合)捻跋哆耶 娑訶」

次結金剛火焰地界陀羅尼及印。即以忍度入力願度間，戒度入慧方度間，以願度從背上入進忍度間，方便入檀戒度間，檀慧進力禪智各頭相拄覆之向下，禪智拄地如釘[檣-离+土]勢，誦真言三遍，想如獨鈷金剛火焰杵徹金剛際，誦真言曰：

「唵 枳哩 枳哩 麼日囉(二合)麼日[口*梨](二合) 部律滿馱滿馱 吽 泮吒」

金剛火城飛焰電埏院界真言印。准前地印，豁開禪智右旋八方，誦真言曰：

「唵 薩囉薩囉 麼日囉(二合)鉢囉(二合)迦囉 吽 泮吒」

金剛火焰網界真言印。亦准前地印，豁開直豎禪智，頂上覆來去三度，想金剛火焰網，上至有頂。密言曰：

「唵 尾薩普囉捺 洛(二合)乞灑(二合) 嚩日囉(二合)半惹囉 吽 泮吒」

次結金剛焰火界印。以定慧側相著，禪智直豎相去三寸，頂上右旋想其牆網，誦密言曰：

「唵 阿三忙儼爾(二合) 娑嚩(二合)訶」

此界成已，六欲魔羅及一切毘那夜迦，惶怖遁走無所容竄。

次結觀音寶車印。以二羽仰相叉轉，以智禪招忍願，向內三撥誦真言，想念本尊隨願至，當以入念密心中，幻化浮泡心不已，密言曰：

「唵 覩嚕覩嚕 吽」

次結八大蓮華印。以二羽相叉，進力檀慧頭相拄，禪願智忍各相拄，八葉白蓮一肘間，想置車上三密語，真言曰：

「唵 劍忙囉 娑嚩(二合)訶」

次結瑜伽祕密三昧耶印。以二手堅固縛，檀慧禪智各相合，豎著以印警覺，誦密言曰：

「唵 嚩日囉(二合)鉢娜麼(二合) 三麼耶 薩怛梵(三合)」

次結一切如來安樂歡喜悅意三昧耶印。

十度堅固縛， 忍願中交合；

檀慧與禪智， 頭相合而豎。

真言曰：

「唵 三摩耶 護(引) 蘇囉哆 薩怛鏗(二合)」

次結開心戶，入金剛智字，觀於二乳上，右「怛囉」左「吒」，如宮室戶扇，殊勝金剛縛，三業同時發，指心開兩字。

真言曰：

「唵 嚩日囉(二合)滿馱 怛囉(二合)吒(半音)」

無始熏種子， 所集之塵勞；
今以召罪印， 集之欲摧碎。
十度堅固縛， 忍願申如針；
進力屈如鉤， 心想召諸罪。
想彼眾罪狀， 植髮髯黑形；
反印刺於心， 觸已誦密言。
三業相應故， 能召諸罪積；
誦此召集已， 方作摧碎法。

密言曰：

「唵 薩嚩婆嚩 迦哩灑(二合)拏 尾輸馱娜 三摩耶嚩日囉(二合) 吽 惹」

召入於掌已， 方作摧碎法；
前印兩相叉， 稱「[牟*含]」縛諸罪。
忍願俱申直， 有「怛囉吒」字；
想為金剛杵， 相拍如摧山。
忿鉤及怒形， 能盡諸惡趣；
誦已忍願拍， 三七隨所宜。

「唵 跋日囉(二合)播尼 尾娑普(二合)吒也 薩哆播耶滿馱娜爾
鉢囉(二合)母訖灑(二合)也 薩婆 播耶 誡底毘藥(二合) 薩嚩 娑
怛蔓(二合) 薩嚩 怛他藥哆 跋日囉(二合)三摩耶 吽 怛囉(二合)
吒」

慈悲普悉會， 召入諸塵垢；
相拍摧諸魔， 一切皆以除。
清淨如滿月， 當觀八葉蓮；
想內於心中， 二羽肘相著。
仰豎如寶蓮， 十度遠相離；
微屈八葉蓮。

密言曰：

「唵 劍忙囉 娑嚩(二合)訶」

以此相應門， 先佛方便故，
三業所積罪， 無量極重障，
作此摧滅已， 如火焚枯草。
有情常愚迷， 不知此理趣；
如來大悲故， 開此祕妙門。

次當結入印。內如來智字，二羽堅固縛，禪智入於中，以進力二度，相拄如環勢，觀前八葉蓮，其上置「娑」字，二點嚴飾故，妙

字方召惡，色白珂雪，流散千光明，想以進力度，捻字安心內，三業齊運用，誦此密言曰：

「唵 跋日囉(二合)吠捨 惡」

既想入心中，字想愈光耀，此即法界體，行者應是觀。不久悟清淨，法本不生故，三世諸如來，金剛身口意，皆以妙方便，持在金剛拳，以此闔心門。智字獲堅固，便屈進力度，拄於禪智背，以印觸胸已，即誦此妙言：

「唵 嚩日囉(二合)母瑟知(二合) 鑿」

次結一切諸佛金剛閉心門印。即以八度內相叉，初起從右復轉左，三度來去轉戶扇，想閉心門三密語，密言曰：

「唵 鉢娜麼(二合)度閉 惡」

次結辟除結界印。即以二羽當心合，戒右押左外相叉，忍願二度建如幢，次以進力勾戒方，禪智慧檀頭相捻。密言曰：

「唵 阿密唎(二合) 覩納婆(二合)嚩 吽泮吒」

此法是大悲觀世音化為馬頭明王加被行人速成佛已作斯結界，左轉三遍辟除不善，右旋三遍隨意近遠為結界。

次結加持已， 布字想真容；
所印置觀音， 分明「紇哩」字。
此字皆須現， 並在月輪中；
便出白毫光， 還令而漸斂。
二羽合於心， 十度內相叉；
抽禪直豎押， 印頂及額上。
兩眼先從右， 二膊印心臍；
膝中至左散，

誦於密言曰：

「唵 阿嚕力 娑嚩 訶」

結此印以布字於身上，即自身猶若大悲觀世音如來三十二相八十種好，紫磨金色圓滿身光如來加被。作是想已以手契觸頂上布「唵」字；觸額上布「阿」字；觸眼布「嚕」字。右以一一依字次第，乃至兩足皆以布之。

「唵」想安頭上， 其色白如月，
放於無量光， 除滅一切障，
即同佛菩薩， 摩是人頂上；
「阿」字安額上， 其色遍金色，
為照諸愚暗， 能發深慧明；
「嚕」安兩目上， 色如紺瑠璃，
能顯諸色相， 漸具如來智；

「力」想安兩肩，其色如皎素，
猶心清淨故，速達菩提路；
「娑嚩」安心臍，其狀作赤色，
常能想是字，速得轉法輪；
「訶」字置兩足，其色如滿月，
行者作是想，速得達圓寂。
如是本字想念色，便成大悲勝法門；
亦各本尊真實相，能滅諸罪得吉祥。
猶如金剛堅固聚，是名大悲勝上法；
若常修行如是法，當知是人速悉地。

誦三遍淨契已，自心想觀音大悲千眼口中出大悲妙言文字，放五色光入行者口中，自心月中右旋布置，即誦本尊真言一遍。以右手無名指捻一珠顆過，周而復始，不急不緩亦不高聲，分明稱字而令自聞。所觀本尊及身上布字念誦記數，於一念中並須一時觀見，不得有闕使心散亂。如觀念疲勞，隨心力念誦一百、二百、三百，乃至七百、一千，限數常定，若有緣事亦必念誦不得減闕；若求解脫出離生死，作三昧瑜伽觀行無有遍數，念者即想自心如一滿月，湛然清淨內外分明，以「唵」字安月，心中以「阿 嚩 力 娑嚩訶」從前右旋次第周布輪緣，諦觀一一字義與心相應不得差錯。

「唵」字者是流注義，亦是不生滅義，於一切法中為最勝義；
「阿」字者無生義，亦是一切如來法中寂靜智；「嚩」字者一切諸法無有行義，亦無起住義；「力」字者是一切如來無等覺義，亦無取捨義；「娑嚩」字者一切如來無等亦無言說義；「訶」字者無因寂靜義，亦無住涅槃義。

如上所說字義，皆是無所說文字義，既知無有文字，即觀義理實無所說，周而復始無記無數亦不斷絕。不斷絕者即是流注義不生不滅；由不生滅故即無有行；為無有行是故無相違；無相違故即無起住；為無起住即無等覺、即無取捨；為無取捨即是平等無有言說；為平等言說故，即是無因寂靜、無住涅槃；為無因寂靜、無住涅槃，即是不生不滅一切如來最勝法門，名三摩地念誦。

次結三摩地印。二羽仰相叉，進力相背而豎，禪智捻進力頭置於跏趺上。

行者次修阿娑頗那伽三昧，端身正坐身不搖動舌拄上腭，止出入息令其微細，諦觀諸法皆由自心，一切煩惱如焰如化無有真實。作是觀已，唯願諸佛示我行處，誦此真言曰：

「唵 三摩耶 鉢娜迷(二合) 嚩哩(二合引)」

正坐之時一一明了，觀虛空中無量諸佛，一時彈指警覺行者，而告之言：「善哉！能作是行。汝想心中所布『唵』字瑩徹於心，誦此真言曰：

「『唵 質多鉢囉(二合)底味能 迦路弭』

「當念須見心， 圓滿如淨月，
復作是思惟， 是心從何生？
煩惱習種子， 善惡皆由心，
心為阿賴耶， 修淨以為因，
為客塵所翳， 不能成菩提。

即誦此真言：

「『唵 菩提質多 母怛婆(二合)娜耶弭』

「誦此諦觀心極令澄清淨，如處大虛空而無有障礙，即於心中想一蓮華，能令心月輪圓滿，益明顯住菩提堅固。復授心真言：

「『唵 底瑟吒(二合)跋折囉(二合)鉢頭麼(二合)』

「想其蓮華與月輪漸漸而引，周法界量同虛空無有礙，即是平等真如門。汝於淨月輪觀五智金剛令普周法界，唯一大金剛應當知自身即為金剛界，密言曰：

「『唵 薩頗(二合)囉嚩日囉(二合)鉢娜麼(二合)』

「誦此真言想蓮華中出無量光明，無量光明出無量世界。一一世界妙寶莊嚴，皆有觀自在王如來與諸聖眾前後圍遶，以證自心即獲清淨，當知自身還為彼佛眾相具足。」便於定中遍禮諸佛願加持堅固，便說金剛心真言曰：

「唵 僧訶囉鉢娜麼(二合)」

誦真言次即具薩婆若智成等正覺！

次作加持祕印。忍願六度外相叉，進力二度拄如蓮，禪智並建想如幢，印心及額、喉與頂。密言曰：

「唵 嚩日囉(二合)達麼 纈哩(二合)」

即想虛空諸如來，持虛空寶灌我頂，定慧和合金剛嚩，進力禪智如寶形，以印額上加持已，即成五佛冠在頂。密言曰：

「唵 鉢娜麼(二合)囉怛那(二合去聲) 阿毘訖者(去聲) 薩嚩(二合)

[牟*含] 纈哩(二合) 怛[口*洛](二合)」

次結蓮華鬘印。准前二羽當心合，禪智屈於本月中，忍願六度各為拳，如繫華鬘勢徐徐垂下。密言曰：

「唵 鉢娜麼(二合)囉怛娜(二合) 麼隸 [牟*含](牟含切)」

次結一切慈甲印。

二慧固當心， 以進力側交；

進面想「唵」字，力面想「砧」字。

放綠色光，光光不絕如抽藕絲，當心定已智拳繫鬢額後已，便復前垂舒進力，「唵」「砧」二度相縈繞，不絕綠光如繫甲，心、背齊腰兩膝上，胸、背、喉、頸、頂、額後，一一進力三旋繞，散掌前下如天衣，即能普護諸眾生，一切天魔不能壞。密言曰：

「唵 阿播耶 鉢娜麼(二合) 迦嚩制 滿馱 囉訖灑(二合)[牟*含] 吽 憾(引)」

次結如來歡喜印。定慧二羽當心合，進力二度外相叉，禪智二度當心豎，微拍三聲啟諸聖。真言曰：

「唵 鉢娜麼(二合) 覩使野(二合) 護」

應以成所作智三麼地想於己身前，見無量乳海出生大蓮華王，金剛為莖量周法界，上有寶樓中有師子座，於滿月中現妙白蓮。觀海中「纈哩」字變為開敷蓮華；復變華為觀自在王如來！無數菩薩前後圍遶，以成眷屬皆集其會。

次結金剛王菩薩召集諸聖印。定慧二羽金剛拳，進度如鉤獨三屈，密言曰：

「唵 鉢娜麼(二合) 按(去聲) 句捨 吽惹(平聲)」

誦此真言三遍已，即以進度三迴招，真身菩薩滿虛空，應念十方一時至。

次結金剛索大印。引入尊身於智體，忍願六度外相叉，禪進二度頭相捻，誦此真言曰：

「唵 鉢娜麼(二合) 阿母伽 播捨 吽」

即想菩薩法身來入畫像，便為法身。

次結金剛鉤鎖印。能令本尊堅固住，禪進力智相鉤結，是名金剛能止印。密言曰：

「唵 鉢娜麼(二合) 塞普(二合) 吒 [牟*含]」

誦此法已，聖者本身加持不散。

次結金剛妙磬印。作此印已，能令諸聖皆歡喜，禪智屈入金剛縛，進力頭屈拄如環，是名金剛喜印。密言曰：

「唵 鉢娜麼(二合) 吠舍 護(引)」

由此真言及印，一切諸佛菩薩及本聖者皆悉歡喜。

次結闍伽水真言及印。以二羽當心合，忍願六度仰直舒，進力屈捻禪智甲。密言：

「唵 諦囉(引) 囉 母馱 嚩(二合) 訶」

以此供養一切如來金剛，以甘露灌一切眾生頂，滅除無量業障。因此供養闍伽故，浴諸聖眾無垢身，以斯福利難可量，當得灌頂法雲地。

次結一切如來百字密言及印。

「唵 鉢娜麼(二合)薩怛嚩(二合) 三摩耶 麼努播羅耶鉢娜麼(二合)
薩怛嚩(二合) 怛微(二合)努婆底瑟吒(二合) 涅哩(二合)擢(茶護切)
茗 皤嚩 蘇(上聲)靚灑諭(二合)茗 皤嚩 阿努囉計靚(二合) 茗
皤嚩蘇(上聲)報灑諭(二合) 茗 皤嚩 薩婆悉地 茗 鉢囉(二合)也
車 薩婆 羯麼蘇 者 茗 質多 失利(二合)藥 俱嚩 吽
訶 訶訶 訶護(引) 薄伽梵 薩婆 怛他識多 鉢娜麼(二合)
莽 茗(去聲) 悶遮 鉢娜迷(二合) 皤嚩 摩訶 三摩耶 薩怛嚩
(二合) 惡(引)」

由此摩訶衍百字密言加持故，設犯五無間罪及謗一切諸佛、方等經典，如是等罪悉令消滅。以本尊堅住己身故，速獲金剛薩埵位及獲菩薩諸佛位。

次結金剛嬉戲印(內四供養)。定慧和合金剛拳，禪智二度當心豎，一切嬉戲漸輪昇，頂上散之契聖意。作此供養一切如來智慧，供養諸佛以此為遊嬉戲。密言曰：

「唵 鉢娜麼(二合)邏細 呼(引)」

次結金剛華鬘印。不改前印捧引前，想捧寶鬘用嚴首。密言曰：

「唵 鉢娜麼(二合)麼隸 怛囉(二合)吒」

由此印真言供養，當獲灌頂法王位。

次結金剛歌詠印。前印從於臍漸上至口方散，演妙清音以娛聖會。密言曰：

「唵 鉢娜麼(二合)擬帝 擬(妍以切，上同)」

由此供養金剛歌，不久當具如來辯。

次結金剛舞印。觀妙妓雲普供養，定慧進力各旋舞，左脇右脇復當心，一一進力三旋遶，真言不絕頂上散。

「唵 鉢娜麼(二合)爾哩(二合)帝 訖哩(二合)吒」

由此妙舞供養故，當獲如來意生身。

次結焚香外供養印。作此普熏佛海會，和合金剛下散掌，想妙香雲周法界。密言曰：

「唵 鉢娜麼(二合)度閉 惡」

由以焚香供養故，即得如來無礙智，普周世界獻妙香，獲得諸上諸佛智。

次結金剛散華印。以此莊嚴諸世界，縛印上散如華芬馥華雲遍法界。密言曰：

「唵 鉢娜麼(二合)補瑟閉(二合)」

由結金剛華供養，速證如來四八相，亦願有情得成就，同於諸佛三十二。

次結金剛燈明印。忍願六度外相叉，進力屈拄如寶形，禪智二度各雙屈，摩尼燈光照法界。

密言曰：

「唵 鉢娜麼(二合)爾閉爾(平聲)」

作此法者以如來智燈而為供養，能令有情速成如來智慧，以斯供養獲得五眼清淨。

次結金剛塗香印。以用供養諸佛會，散金剛縛如塗香，香氣周流十方界，普熏聖眾及聲聞。密言曰：

「唵 鉢娜麼(二合)嚩提 嚩」

作此法著以諸如來智尸羅之香而為供養，能令有情速獲清淨，由斯福故具五分法身。

次結根本印。次應諦想自身，如同本尊眷屬圍遶住於大圓鏡智。即以定慧二羽金剛縛，忍願二度建如幢，即誦觀音根本明，身處月輪同薩埵。密言曰：

「唵 路計濕嚩(二合)囉邏惹 紇哩(二合)」

次應歌詠種種讚歎。若讚歎時於晨朝洗灑塗手輪結，妙音清雅而歌讚之。每日四時——所謂：晨朝、午時、黃昏、夜半——念誦數珠各依本部。次獻闍伽水，以降三世印左旋解界印，即結金剛解脫印奉送諸聖。

次結發遣印。以根本印從臍至面，然以散之合掌於頂上，想觀自在王如來還本宮，誦密言曰：

「唵 跋日囉(二合)鉢娜麼(二合) 穆」

發遣本尊訖，隨意發願，復以甲印護身；以馬頭明王界印左旋解界任意經行，嚴持香華讀誦大乘，四威儀中常念本尊無有間斷。若有眾生修此教者，現世之中證歡喜地，過此十六生成等正覺！

金剛頂經瑜伽觀自在王如來修行法

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
